

# OMUKWETU

Registered at the General Post Office as a Newspaper

10c

## EKUMAGIDHO KAAKRISTE AYEHE

Oshiponga shokudhiladhila oohapu dhaKalunga dhaahe na ekwatathano nokukalamwenyo kwesiku kehe otashi zi muuteolohi wopashiEuropa. Pamulandu gwuuteolohi mbuka omusita ota pewa unongo wokufatulula oohapu dhaKalunga nota kala omwiipyakidhili nefatululo lyoohapu dhaKalunga, ihe omusita ita dheulwa na ita hwamekwa a landule aantu mokukalamwenyo kwawo a vule nawa oku ya ndungika mokuninga ohapu yaKalunga (To help them in doing the Word of God).

Pauteolohi mbuka olwindji aantu otaa yi moshiponga shokudhiladhila omusita kutya ye ke shi naanaa gumwe gwomokukalamwenyo kwawo. Aantu ohaa kala owala nokutala omusita ihe itaa hilwa konkalo ye, oshoka ye omuntu gwomongundu yaashi yawo.

Uuteolohi mbuno inau kwatha naanaa aantu ya uve ko nawa uupopepi waKalunga mokukalamwenyo kwawo. Omusita ngoka he ya uvithile Kalunga ngele mokukalamwenyo kwawo kwesiku kehe otaye mu tala omuntu keeshi gumwe gwawo, otaa vulu ngiini okuyelelwa kuupopepi waKalunga nayo?

Uuteolohi wOshieuropa otau yematelwa kateolohi Aayafrika omolwuunkundi mbuka tau imbi aantu ya uve ko shili kutya Kalunga pamwe natse wo pamwe naye, okuvulika nokugwanitha oohapu dhe mokukala kwetu. "Teolohi Afrikana" otayi kambadhala okugamena Aayafrika mepuko ndika.


Etestamendi Epe uuna tali popi oohapu dhaKalunga inali dhiladhila omishangwa omiyapuki, ihe olya dhiladhila oohapu ndhoka Kalunga te dhi pe omuntu e dhi popye. Omuyapostoli Paulus mAefeso 6:17 ota pangelwa komuthigululwakalo gwopashiRaabi sho ta luku oohapu dhaKalunga egongamwele. Nopavelise ndjika ngele omuntu e na oohapu dhaKalunga haandhoka owala dha nyolwa mOmbimbeli, ihe naandhoka wo te dhi pe wakuKalunga okoonkondo dhOmbepo Ondjapuki, ota vulu okuya mehupitho.

Omuuvithi kehe omukonakoni gwoohapu dhaKalunga mOmbimbeli, opo a pulakene shoka Kalunga te shi mu lombwele. Ihe nando pe na Ombimbeli yi na omambo 66, moka Kalunga ta vulu okupopithila omuntu, Kalunga ota longitha natango Ombepo Ondjapuki okulonga omuntu ehalo lye. Ombimbeli otayi tu

nongeke kombinga yelongo lyaJesus mokutseya uuthiga wAayapostoli, opo Kalunga ngele te tu popitha tu uve ko elalakano lyoohapu dhe.

Omusita nomweevaangeliste oya pumbwa aluhe ethimbo lyeimweneneno opo ya pulakene ewi lyaKalunga. Kombinga onkwawo ayeheyehe mboka yi itaal Kristus oyo "ezimo lyaasaseri lya hogololwa", onkee katu vulu tu dhiladhile kutya Kalunga ota popi owala naasita nenge naevaangeliste megongalo eyapuki, aawe.

Omukriste kehe ota pewa sha shoohapu dhaKalunga, omukriste na kale nomakutsi ga pupa mokukalamwenyo kwe ewi (oohapu) lyaKalunga.



Omufitaongalo Elia Niinkoti ou ta yakula paife mEnongelo loyayakuliongalo mEngela, okwe tu tungila oshipopiwa osho tashi fulu moule weemwenyo nowomadiladilo. Otashi pake yo okukalamwenyo kwetu ponhundulu, tu tale nhumbi hatu kalafana naKalunga no-sho yo novayakulwa vetu.

Kalunga mokana komuprofeti Amos ota ta-maneke okukalamwenyo kwaantu kwopaitaalo. Aantu otaa imbile Kalunga omahambe-leloimbilo. Otaa eta omalungunithondjambo. Otaa ningi ashihe shopalongelokalunga, ihe itaa vulika koohapu dhaKalunga. Kalunga ita pandula eitaalo itaali longo ehalo lye.



## Lundanda a mana oondjenda

(T. E. TIRRONEN)

Kristus ote shi koleke sho ta ti: "Hakehe ngoka ta ti: Omuwa Omuwa ta yi moshilongo shomegulu, ihe oongoka ta longo ehalo lyaTate gwomegulu (Mat.7:21)." Omuntu ngoka e shi shili oohapu dhaKalunga ke na okumonika moshuuvithilo nenge motundimbimbeli, ihe omokuvulika kudho mokukala kwe akuhe. Omuntu a tya ngaaka ota holola aluhe nomwenyo gwe uupopepi naKalunga. lilonga ye, oohapu dhe neihumbato lye aluhe otayi hololele aantu omwenyo gwe gu na Kalunga.

Otse aasita naevangeliste otu li pehala e-dhigu, oshoka inatu tegelelwa owala tu kale aapopepi yoohapu dhaKalunga, ihe tu kale aaulukili yooyakwetu nkene omwiitaali gwa-Kristus e na okukala. Otse aaholelwa mego-ngalo lyaKristus.

Shika ondi uvite shili tashi tu dhenge pevi notashi tu etele okukakama. Otatu shi vulu tuu okukala oshiholelwa megongalo lyaKalunga? Otu na naanaa omahalo ga fa gaa-kwanegongalo yetu, omadhiladhilo ga nika uulunde ngaashi aakwanegongalo yetu; otatu adhika komamakelo ngoka taga adha aakwanegongalo yetu. Tatu shi vulu tuu?

Kristus ine tu ithana moshilonga shuusita nenge shuuyevaangeliste sho e tu tala aayuuki. "We are not spiritual giants. We are not saints. We are mere sinners."

Kristus ita longitha kristus omukwawo moshilonga shuusita nenge shuuevangeliste, ihe ota longitha omulunde a kulilwa pamwe naalunde, opo aalunde ya mangwa koondjo ya dhimbulule shili oonkondo dhe okushitulula omulunde yo ya mone omukumo ya tondo-kele komushigakano gwe.

Kalunga ne tu peni omukumo okuhokwa oohapu dhe noku dhi fala kooyakwetu nombepo yeitaalo noyohole. Nandi hulithe nomatumbulo ngaka:

"Ano inamu ekelahi einekelo lyeni li na ondjambi onene. Oshoka omu na okukala mu na eidhidhimiko, opo mu wape okugwanitha ehalo lyaKalunga, mu pewe shika mwe shi uvanekelwa, Aaheberi 10:35.

Elia Niinkoti

Elaka lya zi kOsoomi, otali ti kutya kuku Miina Anttila okwi ithanenwa kuuyelele womegulu ongulohi yOsoondaha yliyale, 2 Apilili 1977.

Miina Anttila (80) okwa longele mOwanbo iikando iyali, 1927 - 37 na 1947 - 59. Tango okwa kalele maandjaTylväs kuElim, okwiilonga elaka. Opo ihe okwa langekwa kOshigambo momuhandjo guunona. Konima yethimbo okwa ningi omukuluntu gwsikola yaakadhona kOshigambo.

Konima yiita iityali yuuyuni, Miina Anttila okwa langekwa kOmbwenge, opo ihe kUukwa-luudhi.

Miina Anttila okwa li omwiifupipiki, ngoka a li he ende momakuti okukonga aapagani. Okwa li omutameki gwoshilongatumo kEtunda, hoka i itungithile ondunda yokulala. Okukala kwe akuhe okwa li e ku tula metumo. Niimaliwa ye mwene, nando iishona, okwa kambadhala okumona iipumbiwanima moshilonga she.

Eti 17 lyaSeptemba 1975 Miina Anttila okwa kwatwa kuulema. Ina vula okupopya nokuli. Omvula yimwe netata okwa li a lala moshipangelo, manga Omuwa inee mu taamba kevi lyuuyelele. Eti 10 lyaApilili 1977 okwa fumvikwa momawendo gegongalo lyaandjawa Saarijärvi.

### OKANONA NOUVALELO UYAPUKI

Oshoongalele shOvabishofi vOngeleka Onghwa-evaangeli paLuther muSoomi, osha popila okuya kwounona, ovo va shashwa, kouvalelo uyapuki, pamwe novakulunhu vavo, ile pamwe novapashukili vavo.

Oshoongalele osho sha ningilwe muFebuluali osha yandja ediladilo eli kOshoongaleleleka muSoomi osho shi na oku ka tokola oshinima eshi, muMai neudo.

Mediladilo eli inamu tumbulwa nande engabeko meedula dounona ovo ve na okutambula oshililo. Ola ti ashike ounona nava hongwe efimano lesakramendi eli, unene pamwe neefamili davo.

Oshoongaleleleka osha li sha dimina etokolo eli, olo la ningilwe momudo 1973, tali popile epitikilo lounona kouvalelo uyapuki. Ashike okulongifa etokolo lonhumba ohashi pula elunduluko mefinamhango lOngeleka.

Fiyo opa pa ovanyasha Ovasoomi inava piti-kwa okutambula ouvalelo uyapuki fimbo inava kolekwa, Iwopeedula 15.

(LWI)

Ov. 1, nale Kalunga okwa popi momakana gomapenda nogaahunganeki (aaprofeti) = aapopi yelaka lyaKalunga. Aapopi mboka kaya li owala iilongitho yaKalunga, ngaashi ando oshuma shoka tashi humbata omeya, sho she-ne inaashi tuta, ihe oya li ya "tuta" nenge ya gumwa kelaka lyaKalunga. Olya li epaluthi newiliki mokukalamwenyo kwawo kwesiku kehe.

Kehe gumwe okwa popi pamagano ge, ihe kakwa li ngoka a tseyithilwa ehupitho lyo lyene, ngaandyoka lya hololwa kOmwana.

MEtestamendi Ekulu eihololo lyaKalunga oli li paitopolwa oyindji, ngaashi megeelo lyaKalunga pambo lyaAmos, ohole yaKalunga pa-Hosea, uuyapuki waJeremia; nopamikalo o-dhindji, moondjodhi, maayengeli, momamomiko, okunwethitha ombepo yomuntu nOmbepo yaKalunga. Ashihe osha ningwa kashona nakashona.

Ov. 2, ngashingeyi opwe ya elunduluko. Kalunga ota popi mOmwana. Ahunganeki naayapostoli yopethimbo lyetu oye na okukala ya tumwa kOmwana. Oye na okutumbula eihololo lyaKalunga muJesus Kristus.

Ndika olyo eihololo lye lyahugunina. Ethimbo lyEtestamendi Ekulu olya hula po. Kalunga tuu ngoka a li a popi pamikalo ndhiyaka, nane ote tu popitha mOmwana, ngoka e vule aahunganeki yonale.

(a) Oshoka uukwatya waHe nowOmwana owa faathana, Omwana okwa tseya nawa ehalo nelalakano lyaHe. "Oye Kalunga shili a zi muKalunga He". He nOmwana oyo omuntu gumwe.

(b) Kalunga ye mwene oye Ombepo, onkee ota vulu owala okumonika nokuuviika mOmwana ngoka a ningi omuntu. Omuwa osho a tsakanitha oshilongakulilo, okwa ningwa omuthigululi gwaayihe, megulu nokombanda yevi. Okwa pewa esimano ndika, sho a londo a yi megulu, Eps.2:8, e ta kuutumba kolulyo lwaKalunga. Ihe wuthiga mbo u udhlila ote ke u pewa, uuna taka galuka olutiyali nuuna lwesindano lye lyahugunina, Hebr. 10:13; Ehol. 11:15.

Onkee ano kongashingeyi, ayehe mboka ya hangana nOmwana gwaKalunga meitaalo, oyo wo aathigululi pamwe naye, Rom.8:17.

Ekwatathano pokati kaHe nOmwana enene noonkondo, onkee taku tiwa, kutya Kalunga mokushita uuyuni, okwa longitha Omwana, John. 1:13; 1 Kor. 8:6; Kol. 1:16. Shika otashi ti: Omwana oko a li, manga uuyuni wa li waa ko, Joh. 17:5,8.

Omwana okwa hololwa moonkatu ndatu: ngoka a li ko manga uuyuni wa li waa ko, inau shitwa, ngoka a ningi omuntu, Kalunga e ta popi muye naangoka a simanekwa meyadhimo, omuthigululi gwaayihe.



Omwana oku na iilonga yopatatu: Omuprofeti = omupopi gwelaka lyehupitho lyaKalunga.


Omuyambi = omudhimi po gwoondjo dhaantu. Omukwaniilwa eli kolulyo lwaKalunga, ta pangele megulu nokombanda yevi.

Ov. 3, omunyoli ngashingeyi ota popi kombinga yuukwatya wOmuna gwaKalunga niilonga ye. Eyadhimo nondjelo yaKalunga noyOmwana, oya faathana. Uuyelee netayimo, oonkondo nuuyapuki, uwanawa nuuyogoki muHe nomOmwana, oya faathana. Onkee ohatu ti: Kalunga oye uuyelee, 1 Tim.6:16.

Mehempululo lyokuNikea otamu tumbulwa "uuyelee womuuyelee." (Omahempululo gOngeleka, Eps.7). Jesus ota ti: "Ngoka a tseya ndje okwa tseya wo Tate."

Omwana ota humbata, nota kaleke po eshito alihe noonkondo dhohapu yomokana ke. Oye omupangeli nomugameni gwaayihe.

Aantu mboka ya ndowalekwa kuulunde okuza petameko, oye na okuyelithwa meyogo lyedhimopo lyoondjo, mombinzi yaKalunga, ngele itashi ningwa, nena itaa vulu okukala miipathi yaKalunga, omuyogoki nomuyapuki.



Omundohotola omuvalelwamo, tatekulu Thomas luhwa, moshipangelo shaNandjokwe, okwa li a kwatwa po pamwe nayakwawo yane, mumboka mwa li wo aapangi yaali. Oya kala ya dhigininwa uule womasiku gaali, ihe konima oya mangelulwa notaa tsikile niilonga yawo ngashingeyi ayehe.

Ekwatwopo ndika olya zile mehadho lyoshipangelo moontundumene dheti 20 Apilili Iya ningwa ketanga Iya Suid-Afrika. Esiku ndyoka opwa kwatwa wo omuvu gumwe, ngoka kwa tiwa oshikulo aniwa.



**Kuku Helmi Haapanen**

Eti 3 IyaDesemba 1976, kuku Helmi Haapanen okwa gwanitha omimvo 70. Kuku Haapanen okwa longo oshilongatamo oomvula 38 mOngeleka yetu.

Tango okwa li omukuluntusikola mosikola yaakadhona mOshigambo. Momimvo 1961-63 okwa longo oshilonga tuu shika muNkurenkuru, Kavango.

Omimvo 1964-1976 okwa kala omudhigini ni gwookoshuis mOwambokavango. Oshilonga shika kuku Haapanen okwe shi longo nuulaadhi nuupenda.

Kuku Haapanen okwa penzelwa mo 1972, ihe omolweiyambo lye nohole ye moshilongatamo, okwa tsikile noshilonga she sigo muJuni 1976. Ongeleka yetu oyi na oshindji okutumbula kiilongayakulo yakuku Haapanen.

# ENONGELO LEENHUMWAFO OPO TUU LI LI?

## A. Mwatotele ta nyamukula:

*Heeno oo! Oku na vamwe tava Jimbililwa na otava pula ngaha: Enongelo leenhumwafo opo tuu li li?*

*Omuyakuli weenhumwafo okwa hala a shiivife oshinima eshi, opo ava tava limbililwa va dje momalimbililo. Omukwetu, wa kala efimbo nomalipulo omolwofikola yeenhumwafo, ahandi ku kwafa nena, kutya opo i li na otai longo na otai tambula ovahongwa vape efimbo nefimbo. Hano naave, ngenge ou na ehala eli, u tambulilwe mo, tuma divadiva ondjukifi yoye pamwe neindilo nofuto yoye.*

*Ofuto keenhumwafo, imwe oi fike R1-00. Shama ngaa we i tumu, ove oto teeleele ashike eenhumwafo doye. Ove oto lihongo osho. Ofikola ei oiwa unene, osheshi oto lihongele ngaa apa u li, meumbo ile koi longa kohaambo, keshe tuu. Apa ohai yelifa kanini, pamwe oku na ovo inava ye le lwa kombinga yofikola ei.*

*Ofikola ei nayo ofikola yOngeleka ya ELOK. Oya diladililwa ava vehe na omhito okukala omutumba meefikola efimbo ile efiku keshe. Nove hole vali eendjovo daKalunga, ndele va hala oku li ehenifa komesho, mokulesha Ombibeli.*

*Neudo otu na mongeleka yetu ya ELOK omudo weendjovo ngashi oshipalanyolo shao tashi ulike kutya "EENDJOVO daKristus nadi kale da yadelela munye". Hano omukalo muwa noupu wokuyadelela mufye eendjovo daKristus oo okukonakona eenhumwafo. Eenhumwafo otadi ku ulukile eenhele dihapu mOmbibeli, konyala to ka lesa Ombibeli aishe, ndele okewiliko leenhumwafo.*

*Hetekela hano u tale, u li tumine Eenhumwafo; Ondjukifi oyo ei tai shikula apa:*

*Enongelo lEenhumwafo  
lokunongeka Ombibeli  
Engela*

*P. O. Oshikango  
9276*

## Eembilive dimwe dovahongwa vetu:

Komunongeki

*Melalakano lyandje ondi na ehala ndi adhe omunongeki gwandje e li nawa, nomakundilopo gandje oge li mehalo ndi. Ondi li po nda hala Omuwa Kalunga Tate a yambeke Enongelo ndi, ye na kune oonkondo oompe maanongeki.*

*Filippus Angula  
Oranjemund*

## Omapopilo amwe twe a tambula oku li ngaha:

Onda konaakona eenhumwafo adishe odo di li mOfikola yEenhumwafo mEngela, domadina aa:

- Ndi mone ngiini omwenyo muKristus?
- Ondjila yeduliko.
- Oshilongo shoye nashi uye.
- Oshilonga shOmhepo iyapuki.
- Ealuko laKristus.
- Kristus momanyolo.
- Oshilonga shomuyapostoli Paulus.
- Oshilonga shetumo paMbibeli.
- Meenhumhafo omu omo nda mona eudeko lashili, okuuda ko ondjovo yaKalunga.
- Omo nda pendulilwa omhepo yokuya mofikola youyevaangeliste.
- Ekonakono lado olo la tambulifa nge mofikola youyevaangeliste.
- Eenhumwafo odo elongo liwa mOngeleka yetu, olo la eta ovanashilonga vahapu moilonga omo ve li mo paife fiyo onena.

Ohandi popile elongo eli, osheshi ola longa ovanhu:

- okushiiva Kalunga
- okwiitavela Jesus Kristus
- okuuda ko Omhepo iyapuki
- Mudo onda pandula unene okukonakona ealuko laKristus.
- Oda longekidwa nelitulemo linene, komulongekidi wado. Tashi ti okwa fa moule wOmbibeli shili.

Onghe ohai tii elongo leenhumwafo nali twikile, nali kulikwe mOngeleka yetu ya ELOK.

**Ev. Filippus Nakanwe  
Engela**

Omuhongwi omuholike,

*Eembapila dange adishe oda fika nawa nondjapo yangete. Edi nda kendabala ododo nda tuma paife. Ohandi tumu apa R1 omolu omapulo enya nosho yo ndi tuminwe vali amwe.*

Onda hala okulihonga Ombibeli.

Tangi unene

*Omuhongwa woye  
Veikko Muniyika  
OSHAKATI SECONDARY SCHOOL*

*Enongelo lEenhumwafo ola longa nge nghene onghenda yaKalunga ya longo nale momitima dovanhu opo va longe novayakule vakwawo, ngaashi hatu shi ningi paife mokulongela etumo..*

*Oda longa nge okushiiva Ombibeli nehala laKalunga pamwe nomushitwa waye, nomo yo omunhu te lihongo Ombibeli ehe na nande omuhongi komesho yaye.*

*T. Ngh. Haiduwah  
Engelanongelo*

Tu londodha Mukulili gwetu nomOmumvo nguka 1977, oshoka otwa kondekwa koombepo dha nyata, ngo-ye to tu zaleke uuyogoki wa pwa, e to hupitha oomwenyo dhetu, ndhoka we tu pa omagano.

Kalunga Katatu Kamwe, He yOmukulili gwetu Jesus Kristus, owe tu mangelula moonkandja dhasatana, nowe tu ithana atuhe, tu ninge aalongwa yoye, ihe molwethimbo ndika edhigu tu li mulyo, otatu nye-ngwa, notu li aankundi mokutaandelitha Ohapu yO-mushigakano.

Kristus yaKalunga tu galikanena kuHo megulu, a teme omulilo moomwenyo dhetu, opo tu pendukilile, tse tu anduke moondjo tu ku taalele Omusaaseli Omukuluntu, ngoka wa kuutumba kolulyo lwoshipangalapundi shOmusimanekwa megulu, opo u longe oshilonga shuusaaseli muuyapukilela, metsali ndyoka lyashili Omuwa mwene e li dhike, hamuntu.

Omuwa tu kwatha oondunge, opo tu uve ko oohapu dhoye, naashoka tadhi tu longo, opo tu wule okuyanda iiponga yekaneno, tse tu kale aamwoye.

Openi tatu kongo ekwatho, Kalunga ketu? Openi mpoka tatu ka adha ombili, Kalunga ketu? Ongoye tuu awike Kalunga ketu. Tate ngu u li omatati getu, eshigo lyetu, negonga lyetu.

Kalunga ketu! Kalunga ketu! Otu li methimbo li na satana ta piyaganeke aantu yoye. Satana omukondjithi ye omudhudhu, omunandjahi kee na mukwawo muuyuni.

Ihe Tate yetu, tu kolekela meitaalo okwiitaala eso neyumuko lyOmumwoye Jesus Kristus, ndyoka twa longelwa kuGolgota, opo tu sinde Satana, oshoka tse katu vulu okusinda Satana koonkondo dhetu yene, ihe otatu sindi nge twi itaala muJesus Kristus Omukulili gwetu, ngoka a sindana nokwa nyanyagula oonkondo dhoheli.

Jesus ngoka a si nokwa hepekwa molwetu, opo tu thigulule ehupitho lyuukwaaluhe. Jesus nguka te ke tu fala puHe megulu, te ende pamwe natse methimbo lyomapiyagano. Jesus te tu hekeleke, note tu pe ombili, ta dhimi po oondjo, e te tu fala mevululuko lyaaluhe megulu, moka e li, mesimano lye.

"Kalunga, sandje ohenda, kuuwanawa woye owindji, dhima po omayonagulo gandje okesilohenda lyoye olindji. Yoga ndje shili omayonagulo gandje ngoye u thete po oondjo dhandje, ndi yele, oshoka omayonagulo gandje ondi ga lwete ko shili, noondjo dhandje omasiku agehe dhi li komeho gandje, Eps.5:3-9.

"Kungoye awike nda yono nonda ningi shoka ho shi tondo, opo u kale omuyuuki moohapu dhoye nomu-yelele momapangulo goye. Tala, ongame nda valelwa muulunde, mema okwa vala ndje muulunde. Tala ongoye to pula oshili meni montulo mwi, to longo ndje meni mwi oondunge dhokomwenyo. Yoga ndje noshisopi, ndi yele, yoga ndje, ndi yele ndi vule omahegele gomongwa."

Kala putse Omuwa nOmbepu yoye nayi tu gamene. Amen:

Ananias lita

**Oinima ei onde i mu lombwela, mu kale mu na ombili mwaame. Mounyuni omu li mo mu na omaudjuu, ndelenee likoleleni, ame onda finda ounyuni.**

**(Omukalelipo mOvenduka)**

Ompito yetoto po lyEhangano lyAaniilonga (Trade Union), oshinima sha li shi ikundwa kaasitagongalo nokaayevaangeliste, ya li ya gongala eti 22 sigo 23 Maalitsa numvo mOkahandja.

Omadhiladhilo ngoka ga li tagi inyenge maa-kwashingtoni oongoka kutya ehanganano lya tya ngeyi, otali ka adha oshindji mokukandula po omayeme gaaniilonga. Opu na wo omadhiladhilo kutya ehanganano lya tya ngaaka li kale li na ekwatathano noongeleka nomahanganano gaakondjelimanguluko.

Oshigongi osha tokola kutya manga inaaku totwa ehanganano ndika, omadhiladhilo ngaka oge na okukundathanwa tango moondoolopa dhi ili nodhi ili noshwo wo moomina. Uuna omadhiladhilo gaaniilonga ga tseyika, nena otaku totwa ihe ehanganano lyomungunda.

Gumwe gwomaapopi ya panda omadhiladhilo gehanganano ndika oye omusamane Tauno Hatuiikulipi, omuwiliki gwaChrisian Centre mOvenduka.

Okwa ti: Uuna aaniilonga ya dhimbulula kutya oonkondo dhawo odhi thike peni, nena otaa ka etha epulo kutya aakondjelimanguluko uunake taye ya oku ya mangulula? Omusamane Hatuiikulipi oku ulike wo mpoka kutya aahokanithi moongeleka ohaa tumbulile aantu taa ti shoka sha tulwa kumwe kuKalunga itashi vulu okukuthwa kumwe komuntu, ihe ondhate (kontrakstelsel) oyi li po tayi teya oondjokana.

"Oshinakugwanithwa sha tya ngiini omusitagongalo tapulwa monkalo ndjino?" osho omusamane Hatuiikulipi a pula. "Oku li le po aaniilonga opo ya tsakanithe iilonga yawo yesiku kehe pwaa na mayemato nenge okukwatha tuu ngoka a pikwa a dhimbulule oomango ndhono dhuupika nedhiladhilo oku dhi dhitulula sigo aluhe?"

Epulo lyomeendelelo ngashingeyi muNamibia oondyoka kutya etiko lyombinzi otali keelwa ngiini? Etumwalaka lya tya ngiini u li nine aaniilonga Aanamibia, mboka aakiintu yawo taa kwatwa koonkondo, aakwanezimo yawo taa dhipagwa nomagumbo gawo taga fikwa po? osho Hatuiikulipi a tsikile.

Ongeleka ngaashi ya kala mondjokonona omukwatiketi, otayi tegelelwa yi u like oondjila. Oshinakugwanithwa shetu nena osho okutula omitse kumwe nokuninga omathane-ko osho wo okukundathana oompito ndhoka tu na okulongitha nokukonga ondjila yemanguluko pwa na etiko lyombinzi.

## UUSAMA WONGELEKA

### (Omukalelipo mOvenduka)

Omusitagongalo Festus Naholo nomupopi gumwe oya ti kutya, ongeleka otayi ikwatakaniha kumwe naathiminiki mokudhiladhila nokulonga aantu kutya omaluhepo, okwaanowino nomahepeko oyo iinima itaayi vulu okuyandwa oshoka oyi li notayi holoka pahalo lyaKalunga, aantu ya taambe onkalo ya tya ngaaka. Ongeleka oya kuutumba koshipundi oshiyapuki nokugeela mboka taya yi moluhondelo. Ongeleka otayi uvitha nokupopya nayi kombinga yiikolitha. Ihe ihayi ningi nando ekonakono lyomuule opo yi mone kutya uuwinayi mbuka ohau etwa koshike.

Omusitagongalo Naholo okwa tsikile ko kutya ongeleka oyi na ompumbwe yokudhiladhila paupolotika, okudhimbulula kutya eko ndjelomanguluko lyopashigwana oyo limwe lya simana moka oshigwana shaKalunga tashi vulu okupitila. Ihe esiku otali ya uuna aantu yowala (gewone mense) taya ka pula ongeleka kutya: Owa li peni sho ndali tandi yugwa, tandi hepekwa nokukuthwa uuthemba wandje? Ongeleka ndjoka tayi landula ondjila yaKristus itayi kambadhala nando okwiikongela ehala ewanawa.

### Ondilo yokuhangana

Omuyenda gumwe a zile kOkapa, omukulukadhi Mary Dlahy okwa hokolola kombinga yiilonga ye yuupongololi pookamba dhedhina Crossroads - ondoolopa yaAaluudhe moka mwa kala omwaalu gwaantu ye thike 70,000.

Omulandu gwomavigumbo ogwe etitha aakulukadhi ya kale yaa na uuthemba okukala mOkapa, ihe oya kala ngaa paalumentu yawo. Omukulukadhi Dlahy sho a tameke iilonga ye okwa koneke kutya aantu sho ya dhimbulula onkalo moka ye li, oya kala nokuholama moondu. Ihe konima sho ya dhimbulula kutya onkalo moka ye li oya tya ngiini, nena oya etha okuholama.

Oya gongala pamwe na oya tokola okudhika osikola yawo. Oya tameke wo okulanditha onguwo, opo yi imonene iimaliwa. Aantu mbaka sho yi imanga kumwe oya vulu okukundathana naakwanepangelo.

Omusamane Justin Ellis, amushanga muChristian Centre mOvenduka, okwa ti wo kutya oshigwana ashike, haanguli ayeke, oshi na okulandulithathanithwa nokuputudhwa, opo shi longe wo pashiholelwa sha popiwa komukulukadhi Dlahy. Uuwinayi wondhalate itau gumu owala aanguli, ihe unene tuu aakiintu yoshigwana; nuunene aahokanwa nuunona wawo. Ayehe mbaka otaku tegelelwa ya ye miilonga mokukonga ekandulopo lyomukundu nguka tagu kudhile nokuteya onkalamwenyo.

Omusamane Ellis okwa tsikile ta ti kutya mokutunga endiki lyomainyengo muukumwe, unene aavuthi taa tegelelwa ya ninge sha paita tayi landula:

- aavuthi okwa li ye na okulonga aantu noku ya uvitha ko kutya otu na etegameno lya kola muJesus Kristus nomeyo lyoshilongo she, oshoka Ombimbeli otayi tu yelithile wo nawa kutya meihololo lye Kalunga Oye e li Omumangululi. Tse otu na okwiilonga, okuuva ko nokukoneka omandhindhiliko geihololo lyaKalunga sho tu ulike ondjila ndjoka tayi tu fala kemanguluko nopo mpoka tse yene tu na okukwatha moohapu nomiilonga.
- Shika otashi ti wo aantu oye na okupetulwa nokupapudhulwa, opo ya dhimbulule shoka tashi inyenge mokukalamwenyo; miinima ya tya ngawo iinene niishona yomehistoli lyoshilongo shawo, omo taa ilongo oku yi koneka, okukonakona noku yi fatulula nokuli.

Aawiliki yoongeleka okwa li taa vulu natango okwaadha oshindji moonkambadhala dhawo dhokuhanganitha aantu yomihoko dhi ili no-dhi ili moshilongo shetu mokulongitha omikalo ndhoka tadhi hilile aantu kumwe, ngashi:

- mokutunga nokuhiya iigongi yuukumwe niikundathanwa iinene tayi kala eipulo lyomaudhigu ngoka taga gumu ayehe nokukonga omukalo gwoku ga kandula po paukumwe.
- mpoka andola tapa pumbiwa etungo epe molwiilonga yontumba yongandi oongeleka dhi li thaneke nokukonga omukalo gwoku li hololitha po paukumwe wadho.
- otiimbii yuumbanda momaiuvo gaantu nayi pangwe mo, oshoka nopwaahe na omukumo kape na nando ehangano nali kale olyashike, tali ka tegamena okwaadha sha momalalakanothaneko galyo.

Omusamane Ellis okwa tsikile natango noku-tumbula kutya Jesus okwe tu pa oshiholelwa oshivanawa nkene tu na okusinda uumbanda, nonando tau tu adha, eiuvo lyuupopepyathane natate Kalunga otali tu nyatipaleke.

Aasita nenge aapristeli okwa li wo taa vulu okwaadha oshindji mokwaaha ingungunina ewiliko lyiilonga yopambepo oyo ayeke. Ihe natango tuu oku na ompito yokuyelekela. Mpoka tashi vulika yalwe wo mboka kaaye shi aasita nenge aapristeli naa pewe emanguluko lyokuyakula miilonga yi ili noyi ili, opo ya igililithwe nokulikolithwa oowino dhokuwilika meyakulo lyoongeleka, nando kaye shi aanashilonga yopambepo.

Aantu naa dheuililwe ano okuhumbata iimpwiyu nomoku shi ninga iitalenti yawo tayi kokithwa.

# POPYA NGEYI MOTEFONA

Maria Ndahangoudja

Ondi shi shi oku na oyendji mboka ya pyokoka nawa mokupopya mootelefona. Ihe natango oku na natango mboka inaya tseyana nawa notaya hepitha iimaliwa yawo nethimbo. Opo waa hepithe iimaliwa nethimbo ninga ngeyi:

Longekidha shoka to ka popya manga inoo ya pongodhi. Iinima ngele oyindji yi nyola pokambapila. Popya newi lya yela, oshitya kehe shi uvitike nawa.

Muka mOwambo ngele owa hala okupopya mongodhi, ou na tango okudhengela kosent-raal, opo ye ku kwatakanithe nonomola ndjoka wa hala. Opo nee ihe to tegelele sigowa pewa omuntu ngoka wa hala wu popye naye. Nena tumbula owala edhina lyoeye, nenge ehala mpoka wu li. Kashi shi omukalo omuwanawa okupula edhina lyaangoka a yakula ongodhi. Ihe onawa nakuyamukula a tumbule onomola yongodhi mpoka e li, edhina lye nenge ehala.

Nakudhenga ongodhi ngele ota pumbwa omuntu gulwe kee shi ngoka a yakula ongodhi, ne mu pule mbala. Ngele oku li popepi, nakuyamukula ota ti na tegelele okathimbo manga ta ka tseyithila nakupulwa. Ngele e ya, tamekeni mbala naashoka mu na okupopya. Ina mu kundathana ethimbo ele noonkondo, ongo mu li pamwe.

Ngele ngoka a pumbiwa ke po, nakuyamukula na pule nakudhenga ngele ota vulu e mu lombwele etumwalaka lyaangoka a li a pumbwa. Ngele itashi vulika, nakudhenga na lombwele nakuyamukula onomola ye nedhina lye, opo ngoka a pumbwa ngele e ya e mu dhengele ongodhi. Nenge ishewe nakudhenga ota vulu oye a ka dhenge ye mwene uuna uuvu kutya ngoka a pumbwa ote ya ethimbo lini.

Ngonga ano nawa onkundana yoye, opo u hupithe iimaliwa yoye nethimbo lyayakweni. Shika otashi holola wo endjango neputuko.

Oshihauto tashi pingakanithwa

*OLAND-ROVER yomodela 1972,  
yombaki yi na uutenda, yaa na  
okapolodhidhi; otayi pingakani-  
thwa noshihauto hashi nana noma-  
gulu gaali (3/4 nenge 1 ton bak-  
kie).*

*Ila nombaki yoye u tseko omeho.*

*M. Ngipandulua Oniipa*

*P/Bag 2018 Ondangwa.*

## I I T A A K O L A

a holoka

Omukwaanga gwiitya nomuhambudhi gwomambo, omusamane Toivo E. Tirronen osho a tsuulula ko ishewe limwe; ehwataliyiitewo ya ngongwa ya ngongekeka noya tseyika medhina Itaakola.

Omusamane Hans D. Namuhuja okwe li tumbaleke niitya mbi:

Omuwambo gwonale okwa tile:

"Zimineni ndi mu lombwele iitewo,  
yi li kondungu yelaka,  
yi li koho yomayego."

Atuhe otatu zimine kutya omusamane Tirronen okwa ningi shomupondo. E tu lombwele iitewo,

'yi li kondungu yelaka  
yili koho yomayego.'

Omambo giitewo oga pumba melaka lyetu. Onkambadhalo ndjino kayi shi okudhinwa.

Otandi inekele kutya, shoka omusamane Tirronen e shi ningile Elaka lyetu, otashi kala sha thikama aluhe omanga omutse gwoshigwana shAawambo gu li kumwe nothingo.

Omo li li ngashingeyi mOstolamambo notali gu 45c adhike.

EDHINA LYOYE INALI MONIKA MO NATANGO MEMBO LYAATAAMBI YOMUKWETU LI TUMA OWALA NATANGO O-MU NA EHA.

### OMUKWETU

Oye oshifo shOngeleka Onkwaevangeli paLuther yomOwambokavango.

Oha nyanyangidhwa mOshinyanyangidho shOngeleka mOniipa.

Omukuluntu gwOmukwetu omumbisofi dr. Leonard Auala.

Amushanga gwOmukwetu omulongi Ambrosius W. Amutenja.

Ondando yOmukwetu komumvo, muAfrika R 2-00, kombanda yomafuta R 4-00.

Omambesitelo pamwe noondando naga tumwe kOmukwetu Oniipa, P/B. 2013 Ondangwa 9270

OWAMBOKAVANGO CHURCH PRESS  
ONIIPA P/BAG 2013 ONDANGWA 9270